

PROGRAM: «PODSTICAJI ZA POLJOPRIVREDU» U 2009. GODINI.

OSNOVNE INFORMACIJE O PROGRAMU

<p>1.Program:»Podsticaji za poljoprivredu» u 2009. godini. usvojen na svojoj <u>23.</u> redovnoj sjednici održanoj 19.05.2009. godine.</p> <p>2.Period realizacije Programa: 01.01.- 31.12.2009.godine</p> <p>3.Namjena Programa:Podsticaj u animalnoj, biljnoj, gljivarskoj proizvodnji i ostali podsticaji.</p> <p>4.Korisnici Programa:Poljoprivredni proizvođači (pravna i fizička lica),zadruge i udruženja.</p> <p>5.Područje realizacije Progama: Bosansko-podrinjski kanton Goražde</p> <p>6.Oblast:Primarna i sekundarna poljoprivredna proizvodnja</p> <p>7.Ukupna vrijednost Programa: 550.000,00KM.</p> <p>8. Završne napomene</p> <p>9.Odgovorno lice: Mustafa Kurtović prof.ministar</p>	<p>PREDLAGAČ PROGRAMA</p> <p>MINISTARSTVO ZA PRIVREDU BOSANSKO-PODRINJSKOG KANTONA GORAŽDE Maršala Tita br. 13 Goražde 038/221-772</p>
---	--

Primarna poljoprivredna proizvodnja predstavlja okosnicu opstanka i razvoja svakog društva. Svjedoci smo da u našoj zemlji radi spleta mnogih objektivnih, i naročito subjektivnih okolnosti proizvodnji hrane (primarna poljoprivredna proizvodnja) nije poklanjan dovoljan značaj. Zbog tih okolnosti došli smo u poziciju da imamo nedovoljnu proizvodnju poljoprivrednih proizvoda i da uvozimo ono što smo donedavno izvozili.

Poljoprivredni resursi kojima raspolažemo su izuzetni (velike neiskorištene poljoprivredne površine, klimatski uslovi kao i svi drugi elementi neophodni za razvoj primarne poljoprivredne proizvodnje, kao i veliki broj nezaposlenog stanovništva) pa nam daju opravdane razloge da ova grana posjeduje veliki potencijal.

Specifičnosti namjene ovih sredstava, a posebno kad se ima u vidu da je veliki broj korisnika ovih sredstava, prišlo se detaljno izradi ovog Programa, gdje je održan veći broj konsultantskih sastanaka. Vršene su razne konsultacije sa mnogim udruženjima, zadrugama kao i sa većim brojem farmera. Održan je i radni sastanak sa gore navedenim subjektima a sve u svrhu usaglašavanja i razmatranja nacrtu Programa, gdje su zainteresovani mogli da daju prijedloge i primjedbe.

Očekivanja su što hitnije usvajanje ovog Programa, tim prije jer agro godina ne poznaje ovaj izrazito komplikovani sistem usaglašavanja i donošenja propisa.

Realizacija ovog Programa moguća je tek nakon donošenja detaljnih Uputstava o načinu ostvarivanja podsticaja za svaku vrstu proizvodnje.

II KRITERIJI ZA RASPODJELU SREDSTAVA

Finansijska sredstva odobrena iz Budžeta Ministarstva za privredu Bosansko-podrinjskog kantona Goražde podsticaji za poljoprivredu će se raspoređivati prema slijedećim općim i posebnim kriterijima i to:

1. OPĆI KRITERIJI

Ovim programom propisuju se uslovi koje moraju ispuniti fizičke i pravne osobe (u daljem tekstu: korisnik-klijent) za ostvarenja prava na novčani podsticaj u primarnoj poljoprivrednoj proizvodnji, uređuju postupci za njeno ostvarenje, način isplate, obaveze koje korisnik-klijent mora ispuniti prije i nakon prijema novčanih podsticaja i propisuje potrebnu dokumentaciju i obrasce, te nadzor i kontrolu. Novčani podsticaji ostvaruju se u oblasti: animalne proizvodnje, biljne proizvodnje, gljivarske proizvodnje i ostali podsticaji.

Pravo na ostvarenje podsticaja imaju:

- Korisnici koji su ostvarili primarnu poljoprivrednu proizvodnju ili poljoprivrednu djelatnost na teritoriji Bosansko-podrinjskog kantona Goražde.

- Korisnici koji su registrovani kod nadležnih općinskih službi za obavljanje poljoprivredne

proizvodnje odnosno djelatnosti na odgovarajućem propisanom obrascu (Registarski list) do uvođenja registra poljoprivrednih gazdinstava i registra klijenata.

- Da korisnik nema dospjelih, a neizmirenih poreznih obaveza iz predhodne godine
- Zemljoradničke zadruge koje imaju vlastitu proizvodnju, kao i njihovi zadrugari ili kooperanti, ukoliko su sa njima potpisali Ugovore o međusobnoj saradnji.

2. POSEBNI KRITERIJI

Zahtjevi podneseni Kantonalnom Ministarstvu privrede (sektor poljoprivrede) nakon 31.12.2008. godine (podsticaj za proizvedeno kravlje mlijeko za mjesec decembar) prenose se u narednu godinu. Kantonalno Ministarstvo privrede će zaprimljene zahtjeve do 20.01.2009. godine obraditi u skladu sa Programom i Uputstvima iz 2008 godine.

III. NAČIN OSTVARIVANJA PODSTICAJA

Pravna i fizička lica koja ispunjavaju opće i posebne kriterije propisane ovim Programom kao i Uputstvima, podnose zahtjev i potrebnu dokumentaciju za ostvarivanje novčanih podsticaja u primarnoj poljoprivrednoj proizvodnji kantonalnom Ministarstvu za privredu (sektor za poljoprivredu).

Nakon utvrđivanja činjeničnog stanja na osnovu podnijetih zahtjeva, obrade i provjere dokumentacije Ministarstvo za privredu će u propisanim rokovima zahtjeve za isplatu novčanih podsticaja dostaviti Ministarstvu za finansije.

U slučaju da se utvrđena visina sredstava po vrstama ne iskoristi, Ministarstvo za privredu (u daljem tekstu kantonalno Ministarstvo) ima pravo Odlukom da preusmjeri sredstva iz grane u granu (stočarstvo, voćarstvo, ratarstvo, povrtlarstvo i td).

Nadzor i kontrolu u fazi proizvodnje na terenu potencionalnih korisnika, kao i u toku prikupljanja i obrade dokumentacije vrše službenici kantonalnog Ministarstva za privredu (sektor za poljoprivredu) i Kantonalni poljoprivredni inspektor.

A /1 PODSTICAJI U ANIMALNOJ PROIZVODNJI

- A/1-1 **Proizvodnja svježeg kravljeg mlijeka:** Ostvaruju proizvođači koji su registrovani u kantonalno uzgojno-seleksijskoj službi i koji imaju zaključen Ugovor sa registrovanim prerađivačem ili otkupljivačem
Pravo na podsticaj imaju oni farmeri koji predaju najmanje 100 litara mlijeka za jedan mjesec sa minimalnom mliječnom masti 3,5%.
- A/1-2 **Proizvodnja svježeg kravljeg mlijeka: iz 2008. godine mjesec decembar**
- A/1-3 **Uzgoj priplodnih junica:** Ostvarit će farmeri koji su registrovani u nadležnoj službi i koji su upisani u Registar proizvođača priplodne stoke, a uzgoje najmanje jednu priplodnu junicu i istu mogu koristiti za proširenje vlastitog stada ili prodaju.
- A/1-4 **Držanje osnovnog stada ovaca i koza;** Pravo na novčani podsticaj imaju farmeri (korisnici) koji u osnovnom stadu imaju najmanje 50 ovaca ili 25 koza.
Životinje moraju biti obilježene u skladu sa Pravilnikom o obaveznom označavanju i upisu u jedinstveni Registar ovaca, koza i svinja («Sl.novine Federacije BiH, «broj: 87/07).
- A/1-5 **Držanje pčelinjih društava:** Novčani podsticaj za držanje pčelinjih društava ostvaruju (držaoci pčelinjih društava) pčelari koji su registrovani na području Bosansko-podrinjskog kantona Goražde, a imaju najmanje 20 (dvadeset) pčelinjih društava.
- A/1-6 **Držanje matičnog stada krava (mliječna grla):** Novčani podsticaj za držanje matičnog stada krava ostvaruju farmeri (korisnici) koji drže najmanje dvije krave. Matično stado krava mora biti registrovano kod nadležne veterinarske stanice (u skladu sa Pravilnikom o obilježavanju životinja i šemi kontrole kretanja životinja "Službeni glasnik BiH", broj 28/03).
- A/1-7 **Držanje koka nosilja:**Pravo na novčani podsticaj ostvaruju obrtnici i pravna i lica koja posjeduju na svojoj farmi najmanje 1000 koka nosilja i koji su registrovani za datu djelatnost.
- A/1-8 **Uzgoj ribe :** Pravo na novčani podsticaj imaju pravna lica koja proizvedu najmanje 3.000 kg ribe u tekućoj godini , a koji su registrovani za tu djelatnost.
- A/1-9 **Držanje bosansko-brdskog konja :** Pravo na novčani podsticaj za držanje bosansko-brdskog konja ostvaruju farmeri (korisnici) koji drže najmanje 1 (jednog) bosansko-brdskog konja čiste pasmine.

B/1 PODSTICAJI U BILJNOJ PROIZVODNJI

- B/1-1 Proizvodnja rasadničkog materijala visokostablašica (kontinentalne voćne vrste:jabuka, kruška, trešnja ,šljiva,višnja,kajsija, breskva, orah i lješnjak):** Pravo na ovaj podsticaj imaju pravna lica koja su registrovana za ovu proizvodnju. Minimalna količina proizvedenog sadnog materijala iznosi 20000 komada rasadničkog materijala.
- B/1-2 Održavanje višegodišnjih zasada voća visokostablašica:**Pravo na novčani podsticaj imaju korisnici koji su podigli voćnjak u periodu 2005,2006 i 2007 godine minimalne površine 0,2 ha i koji provode neophodne agrotehničke i pomotehničke mjere predviđene principima uzgoja u intezivnoj proizvodnji.
- B/1-3 Zasnivanje novih zasada jagodičastog voća:** Pravo na novčani podsticaj stiču korisnici koji su vlasnici zemljišta ili imaju zemljište u zakupu na kojem zasnivaju zasad jagodičastog voća jagode,maline, kupine,borovnice,brusnice i ogrozda. Minimalna površina za zasnivanje ovog zasada je 0,1 ha.
- B/1-4 Proizvodnja konzumne jabuke:** Ostvaruju pravna i fizička lica(kooperanti) koja imaju zaključen Ugovor sa registrovanim prerađivačem ili otkupljivačem i koji su registrovani kod nadležnog organa.Minimalna količina koja se postiže je 500 (pedsto) kg.
- B/1-5 Proizvodnja u zatvorenim prostorima –plastenička proizvodnja:** Pravo na novčani podsticaj stiču pravna i fizička lica koji su vlasnici zemljišta ili imaju zemljište u zakupu, i da imaju zasnovanu povrtlarsku proizvodnju. Da bi korisnici ostvarili ovaj podsticaj trebaju imati minimalno 200 m² zatvorenog prostora za datu proizvodnju.Maksimalna površina koja se podstiče je 2000 m².
- B/1-6 Proizvodnja sjemenskog krompira:** Pravo na novčani podsticaj imaju korisnici koji su kod nadležnog suda registrovani za tu djelatnost i ako su upisani u Registar proizvođači poljoprivrednog sjemena kod Federalnog Ministarstva poljoprivrede, vodoprivrede i šumarstva.Proizvođači za proizvodnju sjemenskog krompira moraju ostvariti proizvodnju najmanje na 2ha.
- B/1-7 Proizvodnja strnih žita (pšenica,ječam,raž,zob i heljde):** Pravo na novčani podsticaj ostvaruju korisnici koji zasiju najmanje 0,2ha navedenih kultura na području Bosansko-podrinjskog kantona Goražde.
- B/1-8 Proizvodnja gljiva (šampinjona):** Pravo na novčani podsticaj za proizvodnju gljiva (šampinjona) u zatvorenom prostoru ostvaruju korisnici koji kvartalno zasnuju proizvodnju gljiva na najmanje deset tona komposta i istu realizuju.

C/1 OSTALI PODSTICAJI

- C/1-1 **Vještačko osjemenjavanje krava:** Pravo na ovaj podsticaj ostvaruju ovlaštene općinske veterinarske stanice ili privatne veterinarske stanice koje su registrovane za vršenje ovih poslova i ispunjavaju uslove na osnovu Zakona o veterinarstvu („Sl.novine FBiH“ broj: 46/00) i Pravilnika o uvjetima u pogledu prostora, kadra i veterinarsko-tehničke opreme za osnivanje veterinarskih organizacija i veterinarskih ustanova („Sl.novine FBiH“ broj:3/06). Dokaz za ostvarenje ovog podsticaja je utvrđena gravidnost kod grla koje je vještački osjemenjeno, zašto je neophodno imati potpis imaoca životinja kod pregleda na gravidnost.
- C/1-2. **Dijagnostička ispitivanja zakonom predviđena:** Na osnovu člana 124. Zakona o veterinarstvu, u Budžetu kantona osiguravaju se sredstva za prevenciju, suzbijanje i iskorjenjivanje zaraznih oboljenja životinja. Provođiće se i preventivna dijagnostika na bolesti pčela.
- C/1-3 **Ostvarivanje podsticaja po participacijama:** Pravo kandidovanja za ostvarivanje podsticaja po participacijama stiču korisnici koji obavljaju djelatnost iz oblasti primarne poljoprivredne proizvodnje od općeg interesa ili za interese Ministarstva za privredu Bosansko-podrinjskog kantona Goražde.

Podsticaji po paticipacijama podrazumjevaju se:

- a) Organizovanje seminara, sajmova, simpozija, edukacija farmera, prezentacije isključivo iz oblasti primarne poljoprivredne proizvodnje.
- b) Formiranje zakonom predviđenih komisija i podkomisija.
Stručna usavršavanja od interesa za Kantonalno ministarstvo.

- C/1-4 **Ostvarivanje novčanog podsticaja kao potpore Programima u svrhu poljoprivredne proizvodnje.** Pravo na ovaj podsticaj imaju pravna i fizička lica za djelimičnu ili potpunu realizaciju projekata od strane ovog Ministarstva koja obavljaju djelatnost iz oblasti primarne poljoprivredne proizvodnje od općeg interesa ili za interes kantonalnog Ministarstva.
- C/1-5 **Nabavka poljoprivredne mehanizacije i opreme:** Pravo na podsticaj za nabavku (kupovinu) poljoprivredne mehanizacije i opreme ostvaruju korisnici koji nabave odnosno kupe u 2009 godini novu mašinu, i to: traktor ili motokultivator sa ili bez priključaka, kosačicu kao i drugu mehanizaciju i opremu potrebnu u stočarstvu, voćarstvu, povrtlarstvu i drugim granama poljoprivrede.
- C/1-6 **Sufinansiranje Programa nabavke visokogavidnih junica:** Korisnici ovih sredstava su članovi Udruženja građana Farmer (proizvođača mlijeka) koji će biti odabrani na osnovu javnog poziva i kriterija donesenih od strane Ministarstva za privredu Bosansko-podrinjskog kantona Goražde. Sredstva za ovaj Program biće obezbjeđena od Ministarstva za privredu Bosansko-podrinjskog kantona Goražde, humanitarnih organizacija i vladinih institucija.

C/1-7 **Rezervna sredstva:** Služe za nepredviđene intervencije u podsticajima primarne poljoprivredne proizvodnje, zatim u slučaju elementarnih i drugih nepogoda (snijega, grada, vjetrova, poplava, požara, napada divljih životinja, kao i druga plaćanja koja su neophodna u sektoru poljoprivrede). Odluku za ova sredstva donosi kantonalni Ministar za privredu na prijedlog sektora za poljoprivredu, uz saglasnost Vlade Bosansko – podrinjskog kantona Goražde.

IV CILJEVI PROGRAMA

Ciljevi ovog programa su:

- povećanje obima poljoprivredne proizvodnje,
- zadovoljavanje potreba domaćeg tržišta vlastitim proizvodima,
- snadbjevanje prehrambene industrije sirovinama,
- stabilizacija tržišta poljoprivredno-prehrambenih proizvoda,
- smanjenje ovisnosti od uvoza i stvaranja pretpostavki za izvoz,
- stvaranje tržišno orjentisanih proizvođača,
- smanjenje stope nezaposlenosti,
- učestće naučnih i stručnih institucija u osavremenjavanju proizvodnje,
- ruralni razvoj.

Predviđeni novčani podsticaji su ekonomskog karaktera koje priznaju ekonomsku proizvodnju kod farmera i stvaraju uslove za prodaju proizvoda za domaću industriju i tržište. Druga uloga podsticaja je razvojnog karaktera koja pospješuje: kapitalna ulaganja, organizaciju rada uzgojno-seleksijskih i savjetodavnih poljoprivrednih stručnih službi, organizovanje sajмова, seminara, izložbi i podrška naučno-stručnim institucijama.

Osnovni parametri koje smo koristili za izradu Programa bili su;

- osnovna strateška opredjeljenja u primarnoj poljoprivrednoj proizvodnji na Bosansko-podrinjskom kantonu Goražde,
- stanje resursa na kantonu,
- analiza stanja novčanih podsticaja u 2008. godini,
- mišljenja općinskih službi za poljoprivredu, proizvođača i prerađivača poljoprivrednih proizvoda, zadruga, udruženja i drugih.

V VISINA SREDSTAVA

Iznos sredstava odobren Budžetom Bosansko-podrinjskog kantona Goražde za 2009. godinu u visini 550.000 KM, će se raspodjeliti u skladu sa Programom utroška sredstava na sledeće oblasti izražena procentualno.

Animalna proizvodnja	55,85%
Biljna proizvodnja	19,96%
Gljivarska proizvodnja	0,55%
Ostali podsticaji	23,64%

Izvršena podjela po pojedinim oblastima je proizvod studioznih analiza, obimi proizvodnje po pojedinim granama kao i sredstva koja su realizovana po pojedinim oblastima u 2008.godini.

Radi ograničenja sredstava bili smo prinuđeni po svakoj oblasti i vrstama podsticaja propisati kvote sa kojima možemo računati.

Ovaj Program će imati smisla ako svaki učesnik bude u potpunosti poštovao Odluku i Uputstva u kojima su propisana i razrađena prava i dužnosti korisnika. Da bi se ovakav Program održao i u budućnosti još više razvijao neophodno je posebnu pažnju posvetiti nadzoru od ovlaštenih organa.

VI IZVORI SREDSTAVA

Izvor sredstava za realizaciju ovog Programa je Budžet Bosansko-podrinjskog kantona Goražde za 2009.godinu (Službene novine BPK-a Goražde, broj: 4/09),u kojem su na poziciji Podsticaji za poljoprivredu, planirana sredstva u iznosu od 550.000,00KM

VII ORGANIZACIJA KOJA PRIMA TRANSFER

Korisnici novčanih podsticaja iz ovog Programa su fizička i pravna lica koja ispune propisane opće i posebne kriterije i koja ostvare poljoprivrednu proizvodnju ili poljoprivrednu djelatnost na teritoriji Bosansko-podrinjskog kantona Goražde (poljoprivredni proizvođači, farmeri, zadruge i dr.)

VIII VRSTA PODSTICAJA

Podsticaji u primarnoj poljoprivrednoj proizvodnji

R/b	Podsticaji u animalnoj proizvodnji	KM/po jedi.proizvod.	Ukupan obim podrške	Ukupan iznos u KM
A/1-1	Proizvodnja svježeg kravljeg mlijeka 2009.godine	0,15	300000	45.000,00
A/1-2	Proizvodnja svježeg kravljeg mlijeka 2008. godine (decembar)	0,10	30.471	3.047,10
A/1-3	Uzgoj priplodnih junica	200	125	25.000,00
A/1-4	Držanje osnovnog stada ovaca i koza sa obilježavanjem	10+1	13100	144.100,00
A/1-5	Uzgoj pčelinjih društava	10	2700	27.000,00
A/1-6	Držanje matičnog stada krava (mliječna grla)	100	480	48.000,00
A/1-7	Držanje koka nosilja	2	3000	6.000,00
A/1-8	Uzgoj ribe	1	4000	4.000,00
A/1-9	Držanje bosansko-brdskog konja	250	20	5.000,00
	UKUPNO			307.147,10

R/b	Podsticaji u biljnoj proizvodnji	KM/po jedinici mjer	Ukupan obim podrške	Ukupan iznos u KM
B/1-1	Proizvodnja rasadničkog materijala visokostablašica	0,30KM/kom	35000kom	10.500,00
B/1-2	Održavanje višegodišnjih zasada voća visokostablaš.	1500KM/ha	10ha	15.000,00
B/1-3	Zasnivanje novih zasada jagodičastog voća	1500KM/ha	2ha	3.000,00
B/1-4	Proizvodnja konzumne jabuke	90KM/t	40t	3.600,00
B/1-5	Proizvodnja u zatvorenim prostorima plastenička proizvodnja	2KM/m ²	22500m ²	45.000,00
	UKUPNO			77.100,00

R/b	Podsticaj za proizvodnju	KM/po	Ukupan obim	Ukupan
-----	--------------------------	-------	-------------	--------

	sjemenskog krompira	jedi. mjere	podrške	iznos u KM
B/1-6	Sjemenski krompir	1300KM/ha	9ha	11.700,00
B/1-7	Sjetva žitarica	300KM/ha	70 ha	21.000,00
	UKUPNO			32.700,00

R.b	Podsticaj za proizvodnju gljiva	KM/po jedin.mjere	Ukupan obim podsticaja	Ukupan iznos u KM
B/1-8	Proizvodnja šampinjona	50KM/t	60t	3.000,00
	UKUPNO			3.000,00

R/b	Ostali podsticaji	Ukupan iznos u KM
C/1-1	Vještačko osjemenjavanje krava	7.000,00
C/1-2	Dijagnostička ispitivanja	10.000,00
C/1-3	Ostvariva podsticaja po participacijama(sajmovi, seminari, edukacije)	15.000,00
C/1-4	Ostvarivanje novčanih podsticaja u svrhu poljoprivrednih Programa	15.000,00
C/1-5	Nabavka poljoprivredne mehanizacije i opreme	20.000,00
C/1-6	Sufinansiranje Programa nabavke visokogavidnih junica	50.000,00
C/1-7	Rezervna sredstva	13.052,90
	Ukupno	130.052,90

ZAVRŠNE NAPOMENE:

U slučaju da na pojedinim stavkama sredstva ne budu u potpunosti utrošena a na pojedinim nedostaju, Ministarstvo za privredu Bosansko-podrinjskog kantona Goražde svojom Odlukom ima pravo ista da preusmjeri u drugu stavku.

Program "PODSTICAJI ZA POLJOPRIVREDU" stupa na snagu danom davanja saglasnosti Skupštine Bosansko-podrinjskog kantona Goražde.

U slučaju promjene visine sredstava i drugih troškova po ovom Programu koji mogu nastati kao rezultat promjene zakonskih propisa ili usklađivanja budžeta Bosansko-podrinjskog kantona Goražde, Program se može mijenjati, povećavati ili smanjivati iznos sredstava.

Na utvrđeni Program od strane Vlade Bosansko-podrinjskog kantona Goražde kojeg je predložilo Ministarstvo za privredu Bosansko-podrinjskog kantona Goražde, Skupština Bosansko-podrinjskog kantona Goražde je dala saglasnost svojim aktom broj: 01-14-464/09 od 19.05.2009.godine.

Broj: 04-14-1493/09
Goražde, 08.maja 2009.godine

MINISTAR
Mustafa Kurtović prof.